

/Վարչական վարույթի վերսկսման,
մաքսային վճարների և տույժերի գանձման վերաբերյալ/

«18» ապրիլի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով անհատ ձեռնարկատեր Հովհաննես Բաղիրյանի (Սյունիքի մարզ, ք.Գորիս, Երևանյան խճուղի 1/2, ՀՎՀՀ՝ 77949656) վերաբերյալ ՀՀ ՊԵԿ ՀՄՎ գլխավոր մաքսային տեսուչի 24.02.2022 թվականի թիվ 66 մտից համարով զեկուցագիրը

Պ Ա Ր Զ Ե Ց Ի

Հայաստանի Հանրապետության պետական եկամուտների կոմիտեի Հարավային մաքսատուն-վարչության մաքսային գործառնությունների բաժնի գլխավոր մաքսային տեսուչի կողմից 24.02.2022 թվականին կազմված ակտի և 24.02.2022 թվականի թիվ 66 մտից համարով զեկուցագրի համաձայն անհատ ձեռնարկատեր Հովհաննես Բաղիրյանի պարտավորությունը Հարավային մաքսատուն-վարչությունում կազմում է 716985 ՀՀ դրամի չափով, որից ավելացված արժեքի հարկ՝ 556425 ՀՀ դրամ, ավելացված արժեքի հարկի տույժ՝ 160560 ՀՀ դրամ, որը հաշվարկվել է ավելացված արժեքի հարկը սահմանված ժամկետում չվճարելու արդյունքում:

Հայաստանի Հանրապետության պետական եկամուտների կոմիտեի Հարավային մաքսատուն-վարչությունում հարուցվել է վարչական վարույթ անհատ ձեռնարկատեր Հովհաննես Բաղիրյանի կողմից վճարման ենթակա մաքսային վճարների և տույժերի գումարների գանձման նպատակով:

Ըստ Հայաստանի Հանրապետության Արդարադատության նախարարության իրավաբանական անձանց պետական ռեգիստրի միասնական գրանցամատյանի քաղվածքի՝ անհատ ձեռնարկատեր Հովհաննես Բաղիրյանի գտնվելու վայրի հասցեն՝ Սյունիքի մարզ, ք.Գորիս, Երևանյան խճուղի շենք 1, բն. 2 է, որին էլ ուղարկվել է իրազեկում, սակայն 14.03.2022 թվականին Հայփոստի կողմից հետ է վերադարձվել «տեղափոխված» նշագրմամբ: «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին

մասի «գ» կետի համաձայն 14.03.2022 թվականին վարչական վարույթը կասեցվել է՝ նկատի ունենալով, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև այդ ակտի հասցեատիրոջն ի հայտ բերելը:

Վարչական վարույթի շրջանակներում հարցումներ են կատարվել ՀՀ կադաստրի կոմիտե՝ նպատակ ունենալով տեղեկատվություն ստանալ Հովհաննես Բաղիրյանի անվամբ գրանցված գույքի վերաբերյալ, ինչպես նաև Ոստիկանության անձնագրային և վիզաների վարչություն՝ նպատակ ունենալով տեղեկատվություն ստանալ Հովհաննես Բաղիրյանի հաշվառման վայրի վերաբերյալ տեղեկատվություն:

ՀՀ կադաստրի կոմիտեից տեղեկատվություն է տրամադրվել առ այն, որ Հովհաննես Բաղիրյանի անվամբ քաղաք Երևան, Աջափնյակ, Նազարբեկյան թաղամաս, 41/1 շենք, N77 նախագծային բնակարանի նկատմամբ գրանցված է կառուցվող շենքից անշարժ գույք գնելու իրավունք:

Ոստիկանության անձնագրային և վիզաների վարչությունից տեղեկատվություն է տրամադրվել առ այն, որ Հովհաննես Բաղիրյանը հաշվառված է Սյունիքի մարզ, ք.Գորիս, Երևանյան խճուղի, շենք 1, բն. 2 հասցեում:

Իրազեկումներ են ուղարկվել Սյունիքի մարզ, ք.Գորիս, Երևանյան խճուղի, շենք 1, բն. 2 և հեռախոսազանգի միջոցով տրամադրված Սյունիքի մարզ, ք.Գորիս, Գ.Նժդեհի 23 հասցեներին, սակայն բոլոր իրազեկումները Հայփոստի կողմից հետ են վերադարձվել «տեղափոխված» և «չպահանջված» նշագրումներով:

Անհատ ձեռնարկատեր Հովհաննես Բաղիրյանը Հայաստանի Հանրապետության ինտերնետով ծանուցման՝ ազդարար.ամ /azdarar.am/ կայքում հրապարակային ծանուցման միջոցով, ինչպես նաև <https://taxpayer3.taxservice.am> /Հարկատու3/ կայքում, որպես անհատ ձեռնարկատեր Հովհաննես Բաղիրյանի պաշտոնական ծանուցման հասցե նշված hegine-87d@mail.ru էլեկտրոնային փոստին մաքսային վճարների և տույժերի վերաբերյալ իրազեկման միջոցով պատշաճ ծանուցվել է իր ունեցած պարտավորությունների մասին:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

ՀՀ «Հարկային օրենսգրքի» 78-րդ հոդվածի 5-րդ մասի համաձայն «Բաց թողում՝ ներքին սպառման համար» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Բաց թողում՝ ներքին սպառման համար» մաքսային ընթացակարգով ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմինն վճարվող գումարներ: Օրենսգրքի 401-րդ հոդվածի 1-ին մասի համաձայն հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.075 տոկոսի չափով /մինչ այս դրույթի ուժը կորցնելու ժամանակահատվածը/:

ՀՀ «Հարկային օրենսգրքի» 401-րդ հոդվածի 1-ին և 2-րդ մասերի համաձայն.

Հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.04 տոկոսի չափով:

Սույն հոդվածի 1-ին մասով սահմանված տույժը կիրառվում է ժամանակին չմուծված հարկի գումարի (այդ թվում՝ հարկային հարաբերությունները կարգավորող իրավական ակտերով սահմանված դեպքերում՝ հարկային գործակալի կողմից չվճարված), հարկերի կանխավճարային գումարների, հարկային հսկողության արդյունքներով հայտնաբերված (պակաս ցույց տրված) հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 730 օրվա համար:

«Մաքսային կարգավորման մասին» ՀՀ օրենքի-114-րդ հոդվածի 1-ին մասի համաձայն՝ մաքսատուրքի, հարկերի՝ դրանց գծով տույժերի, տոկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

Հիմքում ունենալով վերոգրյալ իրավակարգավորումների ամբողջությունը, հիմք ընդունելով Հայաստանի Հանրապետության պետական եկամուտների կոմիտեի Հարավային մաքսատուն-վարչության մաքսային գործառնությունների բաժնի գլխավոր մաքսային տեսուչի կողմից

24.02.2022 թվականին կազմված ակտը և 24.02.2022 թվականի թիվ 66 մտից համարով գեկուցագիրն անհատ ձեռնարկատեր Հովհաննես Բաղիրյանի պարտավորությունը Հարավային մաքսատուն-վարչությունում կազմում է 716985 ՀՀ դրամ, որից ավելացված արժեքի հարկ՝ 556425 ՀՀ դրամ, ավելացված արժեքի հարկի տույժ՝ 160560 ՀՀ դրամ, որը չվճարելու հիմքով ենթակա է բռնագանձման:

Ելնելով վերոգրյալից և ղեկավարվելով ԵՏՄ մաքսային օրենսգրքով, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածով, ՀՀ Սահմանադրությամբ, «Մաքսային կարգավորման մասին» ՀՀ օրենքով, «ՀՀ Հարկային օրենսգրքով» և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝

Ո Ր Ո Շ Ե Ց Ի

1. Անհատ ձեռնարկատեր Հովհաննես Բաղիրյանից (ՀՎՀՀ՝ 77949656) հոգուտ պետական բյուջեի բռնագանձել ընդհանուր 716985 ՀՀ դրամի չափով, որից ավելացված արժեքի հարկ՝ 556425 ՀՀ դրամ, ավելացված արժեքի հարկի տույժ՝ 160560 ՀՀ դրամ:

2. Որոշման մասին օրենքով սահմանված կարգով տեղյակ պահել անհատ ձեռնարկատեր Հովհաննես Բաղիրյանին:

Սույն որոշմամբ առաջադրված մաքսային վճարների և տույժերի հաշվեհամարն է.

900005010120 հաշվեհամար՝ 716985 ՀՀ դրամ նշելով ավելացված արժեքի հարկ և 30 կողը:

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ

